

HIERONYMUS.

¹ **THAPHET**, legimus in Hieremia Aram Thaphet; est autem in suburbanis *Ælia* usque hodie locus, qui sic vocatur, juxta piscinam fullonis, & agrum Acheldema.

² **THAPHOL**, locus in deserto trans Jordanem, in quo Deuteronomium scripsit Moyses contra Hiericho.

THAPHSA, Hebraicè תפסח *Thiphsach*, duplex in Scripturâ distinguenda est, cujus utriusque tantummodo semel in Scriptura fit mentio. Et una quidem est illa, cujus fit mentio 3 Reg. iv. v. 24. ubi constituuntur fines utrimque regni & imperii Salomonis; eo enim in loco dicitur *obtinuisse omnem regionem à Thaphsa usque ad Gazam*: porro *Gazam* constat fuisse regni Salomonis finem à parte Occidentali & versus *Ægyptum*; ex quo fit ut **THAPHSA** constituenda sit in opposito limite ad Orientem. Constat verò & Scriptura Davidem versus Orientem dilataisse imperium suum usque ad *Euphratem*, totamque eandem ditionem tenuisse Salomonem; ex quo manifestè sequitur *Thaphsa* fuisse sitam ad *Euphratem*. Et verò id etiam probari potest ex auctoribus profanis: fuit enim in Euphratis ripa urbs nominatissima **THAPSACUS** dicta (quæ vox ad vocem Hebraicam proximè accedit) Ptolemæo, Straboni, Stephano, Xenophonti, ut ex ipsis ad eum Scripturæ locum 3 Reg. iv. v. 24. explicabimus; quam urbem Ptolemæus Lib. v. Geographiæ Cap. 19. *Arabia desertæ* attribuit; erat enim *cis Euphratem*: Stephanus & Strabo *Syriæ* adscribunt; fortè quod in utriusque esset confinio. Videtur autem hoc posterius è mente esse Scripturæ, quæ, ut David hoc potiretur imperio, & urbem hanc ad Euphratem cum cæteris imperio suo adjungeret, facit eum dimicantem adversus reges *Syriæ*, non *Arabia* 2 Reg. viii. v. 5, 6. & 1 Paral. xviii. v. 5, 6. Addi etiam posset à plerisque magnam partem *Cœlesyriæ* & *Syriæ* aliquando *Arabia* annumeratam fuisse: siquidem & *Damascus*, quæ *Syriæ* caput fuit, aliquando ad *Arabiam* pertinuit, teste Tertulliano Lib. iii. contra Marcionem Cap. 13. Est altera **THAPHSA**, cujus fit mentio 4 Reg. xv. v. 16. in regione Cis-Jordaninâ Judææ, cujus incolæ omnes peremit *Manahem rex Israël*, quod ei portas non aperuissent. Ubi sita fuerit non admodum liquidum est, nisi quòd ibi supra insinuetur non procul *Thersa* urbe regia eam fuisse, hoc est, quantum ego colligo, in tribu *Ephraim* vel dimidiâ tribu *Manasse*; qua in re nonnihil divinandum est, cum neque de situ urbis *Thersa*, de qua suo loco, satis constet.

³ **TAPHUE**, in tribu Joseph.

⁴ **THAPHUT**, in tribu Manasse.

⁵ **THARA**, castra filiorum Israël.

THARE. Vide **THARA** proximè.

THARELA, urbis nomen in tribu Benjamin, Jos. xvi. v. 27.

⁶ **THARSA**, ubi *Asa* rex Israël fuit.

Θαρσά, ὅθεν ἦν Ἀσά βασιλεὺς Ἰσραὴλ.

THARSA, unde fuit *Asa* rex Israël.

⁷ **THARSILA**, unde fuit *Manahem*, usque hodie est vicus Samaritanorum in regione *Batanæa*, qui *Thersila* dicitur.

Θαρσίλα, ὅθεν ἦν ὁ Μανασσὴμ, καὶ ὧν ἐστὶ κώμη Σαμαρειτῶν ἐν τῇ Βατανάᾳ. Θαρσίλα λεγομένη.

THARSILA, unde fuit *Manahem*, & nunc est vicus Samaritanorum in *Batanæa*, qui dicitur *Tharsila*.

NOTÆ.

1. Ita locus hic apud Septuaginta Interpretes exprimitur Hierem. 7. v. 31, & 32. In versione nostra *Topheth* appellatur tum ibi, tum alibi sæpius, de quo plura infra in *Topheth*. Porro pro *Aranthaphet* hic repone *Aram Taphet* divisis vocibus: est enim hic *Aram* latina vox & appellativa; est enim in Græco ibi supra apud Septuaginta Interpretes βαμὶς τῆς τρυφῆς *ara Tapheth*, pro quo versio nostra habet, *excelsa Topheth*. BONFRERIUS.

2. In versione nostra locus hic *Thophel* appellatur Deuteron. i. v. 1. quem, juxta ea quæ non ibi diximus, non trans Jordanem è regione Hiericho, sed in deserto Pharan constituimus, IDEM.

3. In versione nostrâ *Thaphua* appellatur Jos. 16. v. 8. & Cap. 17. v. 7, 8. à qua ibidem fontem & terram *Thaphue* nomen accepisse legimus. Fuit autem hæc *Thaphua* & terra *Thaphua* ab ea cognominata in tribu *Manasse*, ut ibi supra Cap. 17. v. 8. asseritur, in confinio tamen utriusque tribus, *Ephraim*, & *Manasse*, ut ex utroque cap. colligitur. IDEM.

4. Non est hæc alia à *Thaphue* vel *Thaphua* præcedenti, quam diximus esse in tribu *Manasse*, non in tribu *Ephraim*, esto sit in ejus confinio. IDEM.

5. In versione nostrâ *Thare* mansionis hujus locus nuncupatur Num. 33. v. 27, 28. IDEM.

6. In versione nostra *Thersa* vocatur; de quâ & infra plura in *Thersa*. Quod autem hic dicitur de rege *Asa*, perspicuum mendum est, reponendumque *Baasa*: neque enim *Asa* rex Israël fuit, sed *Juda*, *Baasa* verò rex Israël eodem tempore, quo *Asa* in *Juda* regnavit. Hunc autem in *Thersa* habitasse è 3 Reg. 15. v. 21, 33. liquet: sed neque hic solus regum Israël in ea regiam habuit, neque primus, ut infra in *Thersa* dicitur. IDEM.

7. Hæc non est diversa à præcedente *Tharsa*, vel *Thersa*, disertè enim in versione nostra *Thersa* habetur, ubi de hujus *Manahem* regis Israël natali patria sermo est 4 Reg. 15. v. 14. ubi Septuaginta Interpretes Θαρσίλα vel Θερσίλα habent. At mirum est hîc ab Eusebio eam poni in regione *Batanæa*, & tamen Samaritanorum eam facere, cum utrumque constet, videlicet *Samariam*, in qua Samaritani habitaverunt, *cis Jordanem* fuisse, & *Batanæam* in *trans-Jordaninâ* regione extitisse, ut proinde uni & eidem urbi competere non potuerit, esse *Samaritanorum*, & esse in *Batanæa*, sicuti nec eidem convenire potest, esse *cis* & *trans Jordanem*. Quocirca in his vel Eusebii oscitantia agnoscenda est, vel credi debet hæc ab aliquo perperam esse depravata. Vide infra *Thersa*. IDEM.

8. *Μανασσημ* rectius legas cum Septuaginta Interpretibus. IDEM.

1. Quod